

金

石

續

編

金石續編卷第四

唐

武進陸耀通纂

太倉陸增祥校訂

唐一

城武孔子廟堂碑

高七尺廣三尺五寸三十三行行六十六字正書在山東城武縣學

碑文已見萃編所載西安府學本此本摹刻悉同不錄存缺字按行互校

按此碑第一行上書孔子廟堂之碑下書虞世南撰書相王書碑額結銜與西本同左千牛率西本缺牛字此本存書碑額三字西本存此本缺第二行首句微臣屬書四字神功聖跡功字西本並

缺此本存委裘垂拱之風革夏翦商之業拱之二
字夏翦二字西本存此本缺商之二字西本缺此
本存 第三行行首業雖復三字象雷電以立威
刑以立二字西本並缺此本存未有偃息鄉□□
遲洙泗有字西本存此本缺鄉字下西本此本並
缺二字遲洙字西本缺此本存 第四行首泗不
二字末也字西本並缺此本存垂範於百王原脫
於字東西本同 第五行夫子膺□□之精夫子
膺三字纔勝逢掖勝逢二字感而遂通感而遂三
字西本並缺此本存膺字下二本皆原缺二字可
久可大爲而不宰合天道於無言三句大爲二字

合天道於四字西本存此本並缺 第六行顯至
仁於藏用席卷八代并吞九國至仁二字代并二
字西本並缺此本存苞含造化仰之而彌遠亡吳
霸越之辨談之而不及含字之而彌三字之辨談
三字西本存此本並缺 第七行天厯浸微之厯
俯臨司寇之俯求仁下危字西本並缺此本存栖
遑弗已句西本全此本缺栖遑二字 第八行行
首遜字懷瑤之瑤在川之在西本並缺此本存驗
集隼於金櫝觸舟旣曉專車能對之於金字舟字
專車字西本存此本並缺 第九行卷舒二字於
是之於西本並缺此本存 第十行能使二字旣

字西本並缺此本存宇宙字素懸諸日月五字仁
獸之獸西本並存此本缺 第十一行泗水却流
波瀾不息流波瀾三字道濟天下道字西本並缺
此本存自時厥後之時法被區中區中二字西本
存此本並缺行末及字東西本並誤刻作反 第
十二行元始二字西本缺此本存金行水惡亦存
斯義而晦明匪一屯亨遞有水惡亦存四字屯亨
二字西本存此本缺匪一二字二本並缺 第十
三行翦焉煨燼重宏至教允屬聖期西本全此本
缺焉煨燼重教允聖期八字允屬之屬西本缺此
本存 第十四行...哉之烝西本缺此本存 第

十五行興業二字納字西本缺此本存蒼生於仁
壽致君道堯舜凡十字西本存此本缺 第十七
行兆庶樂推四字西本缺此本存黃奉上元之黃
西本存此本缺 第十七行平天成三字憬彼獯
戎之彼西本缺此本存 第十八行犁頽厥角四
字藁街之街西本缺此本存靈臺假伯下西本玉
字存此本缺 第十九行猶且藐懷馭朽興聵納
隍馭朽興聵四字斲珣反樸斲珣二字西本缺此
本存歷選列辟旁求遂古西本字全此本行末缺
辟旁二字 第二十行括羽成器必在膠雍道德
潤身皆資學校在膠雍道德潤六字入神妙義神

妙二字西本並缺此本存 第二十一行詔立隋
故紹聖侯孔嗣哲子德倫爲褒聖侯西本缺詔立
隋故紹聖六字倫爲二字此本並存 第二十二
行悠悠虛白四字圖真寫狀圖真二字妙絕人功
象設已陳功象二字西本並缺此本存 第二十
三行仍觀衛賜四字不疾而速而速二字西本並
缺此本存 第二十四行東西本皆無缺 第二
十五行遍該羣籍乃製金鏡述一篇西本缺羣籍
乃製四字此本存 第二十六行沛易明於九師
多士伏膺西本缺師多士伏四字此本存 第二
十七行達學之爲貴而宏道之由人也西本缺貴

而宏道之由六字此本存 第二十八行黃道之
側聿興壯觀西本缺上七字此本存 第二十九
行景緯垂象川岳成形挺生聖德西本缺景緯下
八字行末川字此本並存 第三十行行首削弱
六國從衡鶉七字行末有晉崩離四字西本並缺
此本存 第三十一行行首維傾柱折行末昌大
唐撫運率六字西本並缺此本存大唐上空一格
第三十二行行首繇王二字行末載修輪奐義
堂宏敞經肆十字西本並缺此本存 末行帝德
儒風永宣金石西本缺下五字此本存 通計西
本缺此本存者凡一百七十字西本存此本缺者

凡七十字王澍虛舟題跋以東西本互校而行次
不符因識以更正孫氏訪碑錄城武孔子廟堂碑
元至元間摹刻翁覃溪閣學士則云亦宋時翻本
趙氏金石錄虞世南撰武德時建而題云相王旦
書額者舊碑無額武后時增之王氏孫氏並次於
武德九年而錢氏潛研堂跋尾次之貞觀四年未
知何據

據虛舟跋第三行遲洙泗上有栖字此未載

陸增

志祥

漢陽令于孝顯碑

高六尺二寸廣三尺二寸正書二十九行行五十八字額題大唐故騎都尉濰州漢陽縣令于君之碑十

六字義書陽文在
陝西三原縣淡村

大唐故騎都尉濊州濊陽縣令口村之碑

君諱孝顯字犀角河陰河南人也肇自赤雀棲戶白魚
躍舟時經百代歲逾千祀崇基緬邈與嵩岱而齊高華
肖芬芳共蘭蓀而竝馥廷尉以陰□□□名播漢朝將
軍以陷陳揚塵聲流魏室自此琳琅接耀軒冕連陰雖
張湯之七葉珥貂郗鑒之四世合鼎方之蔑如也曾祖
提鶴孝文以勅勤地居□□氣接幽都陸梁狼望之前
掘強龍庭之外遂授公節鉞奉使宣威公喻以存亡示
其禍福勅勸犁頽樹領獻馬稱藩主上嘉使乎之功授
以征北將軍龍西太守自魏厓將終周圖已兆先臣舊

佐咸加爵賞蒙授使持節太傅柱國大將軍封建平郡
開國公從班例也祖瑾周太師三老尚書右僕射柱國
燕國公諡曰文巨川舟楫龜鼎塩梅燮理陰陽寒煥無
急舒之口弼諧王道口口有清靜之歌父禮周使持節
大候正大將軍越州刺史安平郡開國公周武帝親御
六軍問罪東夏躬麾九伐爰整西師乃以公爲大使控
知兵馬節度申口居鼎臣之口齊王處帝弟之親咸皆
稟其英謨諮其進止公平施十計間出六奇或飛書下
或奉旗陷陣猶衛虜之卷寒瘴旭日之泮春冰會未
決辰僞都丕蕩口武平齊之日摠集僞官謂高阿那肱
曰平解國者由此人也昔呂子牙之佐周号鷹揚而滅

紂王士治之翼晉歌龍驤而殲吳隔代相望口無慙德
君稟川岳之靈膺星辰之氣角立傑出高翥獨翔括百
行之樞機軼九德之軌躅一室不掃陳仲舉之生平万
里封侯班仲升之意氣發嚴電於神彩韞荆玉於匈懷
騫騫如積風之運鵬昂昂如籥雲而泄驥開皇十三年
起家任右親衛非其好也阮嗣宗之傲誕屈以步兵馬
友子之文詞登之武騎俄而文皇晏駕煬帝嗣興剗刮
舊章草創新政瑋室瑤臺之制邁辛癸之宮車轍馬跡
之行越姬劉之幸公乃告歸託疾養素北園不事王侯
鑿坏而已於是親賓斷問慶弔不通保周陂而訪三姜
依蔣徑而尋二仲甘樂山藪木石爲隣樵歌唱而白雲

凝邛琴奏而玄鶴舞讀張衡之賦且悅歸田諷宋玉之詞寧憂失職速隋風已替率土分崩九服移心三靈改卜天星驟落海水口飛百姓嗷嗷瞻烏靡所太上皇龍躍晉野鳳舉秦川揮寶劍而斬素靈擁神兵而鷹赤伏羣雄畢湊眾善咸歸遂仗劍轅門投口獻款蒙補左武侯錄事參軍于時義寧元年也皇圖俯落 帝典權與 王世充 叛換洛川竇建 德 馮陵河朔蟻聚蜂扇狼顧鷄張駟掠我黎元違拒我聲教眷言經略理資英傑乃授元帥府鎧曹參軍於是破八關堡清城宮口太陽門陷陣先登獲動第一蒙授騎都尉武德四年授雍州錄事參軍處神州之要居輦轂之下五方雜沓四民設阜

紉撻姦伏思若有神不待赭汗之權詎勞鈎距之詐貞
觀元年又授朝議郎行濮州濮陽縣令君下車布政除
煩去瘼而移風易俗□□三年俗富刑清纔踰暮月還
牛怨米是表於深仁馴雉移蝗彌彰於善政豈止沉丕
鄴縣胥神灌壇而已哉水積歸塘竟滔滔而東注日沉
昧谷遂黯黯而西徂辰已之夢忽鍾膏育之崇便及以
貞觀十年四月四日寢疾卒于濮陽官舍春秋六十四
陶潛琴酒對彭澤而誰懽言儵絃哥臨武城而莫奏鳴
呼哀哉君器宇淹凝風神秀逸襟懷肅穆與寒松而並
勁志氣蕭條共秋天而競爽履仁爲度蹈義成基不以
富貴媯人常以謙虛待物可謂淑人君子邦家之彥者

與爰以貞觀十四年歲次庚子十一月壬寅朔十日戊子遷窆于雍州三原縣洪壽鄉之原夫人李氏平昌縣主

皇帝堂姑王姬下降作嬪君子四德□□中饋六行懋于閨儀婉嫕馳聲幽閑表德旣而子君長逝守志孀居同穴之義莫從異路之悲奄至撫育遺稚皆遵禮度雖享豕存教斷織貽訓曾何足云嫡子正則等並學稟箕裘德齊顏閔竭忠貞以事主極愛敬以安親列鼎切季路之懷從車軻曾叅之歎乃詢諸古老考之前代紀素譽於石刻遺範於幽埏庶感風樹之悲以慰寒泉之思文曰

迷矣洪源遐北峻趾崇山億丈長河千里陸離英彥森

梢杞梓纓冕遍承琳琅間起其一迺祖英果懍懍申霜迺

父誠績諤諤勤王雄圖獨運逸氣孤翔東征獻凱北使

歸壇其二篤生君子風神特達口侍丹墀警巡紫闥腰鞬

負羽橫戈戴鷓鴣騷既馳湛盧方割其三有隨道口滄海

橫流知機體命卜築林止一人御物六合承休皤然

策仕佐府其四叅州伊何繩違口惡佐府伊何築弓

砥鐸姦魃息訟邊隅靜柝衢路風生戈矛霜落其五一同

出宰百里口風霜威狡猾露惠蒼窮炭期永錫如何不

終武城絃絕彭澤樽空其六人事浮促生口脆孫楚長

埋韓口永逝朝思餘藻野悲遺惠先秋刈蘭當春剪桂

七其

口口口口口口口口口口俄悲谷徒遽歎舟藏松風厲

下缺

孝顯之曾祖提魏書與朱長生同列節義傳以使高
車不辱命歸拜隴西太守賜爵五等男祖謹字思敬
周書有傳保定三年詔以太傅燕國公謹爲三老帝
親幸太學以禮食之天和二年授雍州牧三年薨於
位贈雍州刺史謚曰文父禮謹之第四子上大將軍
安平郡公周書附見謹子實傳唐書宰相世系表誤
以禮爲謹之第八子世系表又謂謹從西魏孝武帝
入關遂爲京兆長安人周書謹傳則云河南洛陽人
此碑又云河陰河南人也唐書謹曾孫志甯傳亦云
京兆高陵人蓋謹子實翼義皆家關中其後爲京兆

人孝顯父子則仍居祖籍爲河南人河陰郡東魏所
置今孟津縣地河南縣卽今洛陽縣地孝顯之祖周
書本傳及唐書世系皆作謹獨此碑作瑾孝顯之室
以壬寅朔十日當是辛亥碑作戊子誤

筠清館金石記

按唐書宰相世系表于氏出姬姓周武王子邗叔
子孫以國爲氏其後去邑爲于氏自東海郟縣隨
拓拔隣徙代改爲万紐于氏後魏孝文時復爲于
氏栗磾生洛拔洛拔生天恩天恩生仁仁生子安
子安生子提

北史于栗磾傳栗磾孫致致弟天恩

定平原郡太守高平郡都將安定子于提隴西郡

守唐書以仁生作仁安定作子安誤子提之子衍

此碑與魏書節義傳

周書于謹傳並作提

提生謹從西魏孝武帝入關

爲京兆長安人此碑云河陰河南人者後魏都洛陽洛拔諸子皆徙河南從孝武入關則自謹始而周隋史傳仍以謹爲河南洛陽蓋于氏兩京皆有第宅如兩唐書于志甯傳並云高陵人京兆屬縣據志甯墓碑薨於東都安眾里第而傳亦以爲卒於家也白魚赤雀系朔姬周廷尉名播漢朝謂于公之啟定國將軍聲流魏室謂栗磾以冠軍將軍佐道武平趙魏也魏書節義傳于提與朱長生使高車阿伏至羅脅之降不從積三歲乃得還高祖以守節同蘇武甚嘉之拜提隴西太守賜爵五等男北史高車傳太和十四年阿伏至羅奉貢孝文使于

提往觀虛寶阿伏至羅與窮奇遣使隨提朝貢詔
員外散騎侍郎可足渾長生復與于提使高車唐
書回紇傳其先匈奴元魏時亦稱高車部或曰勅
勒碑云奉使勅勒勅勒卽勅勒勅勒卽高車與魏
書北史正合唐書又稱回紇依託高車臣屬特厥
近謂之特勒又突厥傳可汗者猶古之單于其子
弟謂之特勒通鑑考異特勒諸書或作特勒今從
新舊二唐書子藏涼國公契苾明碑乃武后時婁
帥德製文殷元祚正書序云明祖繼莫賀特勒銘
云特勒垂裕顧氏炎武金石文字記載柳公權神
策軍碑有大特勒嗚沒斯並作特勒是碑勅勒地

居口口勅勤犁賴一見再見字皆作勤蓋勅之作特以音近而通勤之作勒以形似而誤顧氏據史而疑石刻錢氏大所養新錄則據碑以訂史文得此證之錢說彌允史多傳寫失真碑乃當時手蹟必以爲書碑筆誤焉有一碑屢誤諸碑同誤不謀而畫一耶是史誤而碑不誤也口西闕字當卽隴西北史謂周保定二年以子謹著勳追贈太保建平郡公據碑則建平之封乃從班例惟太保爲追贈故碑不之及也子謹史皆作謹碑作瑾以字思敬推之從謹爲正碑書誤也宰相世系謹九子實翼義智紹弼簡禮廣表詳實翼義子孫世次餘皆

未列北史謹子實實弟翼翼弟義義弟禮禮弟智
智弟紹紹弟弼弼弟蘭蘭弟曠曠與簡曠與廣字
既小異而序次亦殊實子仲文獄中上書有云第
二叔翼第三叔義第五叔智則禮次於義較爲有
據禮上將軍趙州刺史安平郡公官爵正與碑合
碑文父下闕字爲禮無疑齊王處帝弟之尊謂周
武弟憲建德三年以齊公進爵爲王鼎臣句上下
闕三字與齊王句對或指韋孝寬諸人建德六年
滅齊碑文武平齊句上闕一字卽周字高阿邨肱
齊丞相密召周師者晉書王濬字士治口無慚德
以上皆敘孝顯先世官勛隋書百官志左右衛掌

宮掖禁禦督攝仗衛各統親衛自隋文帝開皇中葉至煬帝大業季年孝顯隱居觀變迨唐高祖起兵太原克長安立隋代王侑爲皇帝改元義閭孝顯乃與羣雄投款義閭二年高祖受禪武德元年以太宗爲西討元帥進位雍州牧拜左右武侯大將軍二年王世充稱帝於東都竇建德定都樂壽國號曰夏碑所謂叛換洛川馮陵河朔也三年太宗討世充敗之於北邙四年敗建德於虎牢擒之世充降左武侯錄事參軍元帥府鎧曹參軍皆仍隋職而爲太宗屬官陷陣獲勳卽從太宗定亂也隋地理志濮陽縣屬東郡武德三年杜才幹以濮

州降唐蓋新附之地方資綏輯特以孝顯爲濮陽令也貞觀十年孝顯年六十四則生於周武帝建德元年是歲陳宣帝太建四年齊後主武平三年此碑金石家皆未著錄嘉慶二十年靈石翟桐墅兵備鳳翔宰三原得以拓贈碑文幾一千六百字剝蝕者止數十字惟末行殘闕撰書者皆無攷耳

和籙粟窖輒文四種

縱橫各一尺五分八行行十字至十四字不等正書

貞觀十四年十二月廿四日街東第二院從北向南第六行從西向東第九窖納和籙粟六千五百石第四頭紀王府典籤陳元瑜右監門直長鄭端高買太倉副使

韓達暨雲宮副監常明副使晉王府掾陸元士使人水部郎中柳侂臣

此甄嘉慶二十二年夏宜興湯希山吏目景壽得

於長安市上乃唐太倉粟窖輒也按六典司農寺卿從三品其屬太倉署令三人從七品下丞六人從八品下監事十人從九品下府十人史二十人典事二十四人掌固八人令掌九穀廩藏之事丞爲之貳凡鑿窖置屋皆銘輒爲庾斛之數與其年月日受領粟官吏姓名與此輒所記正合宋呂大防唐宮城圖太倉在宮城西偏元李好文圖志雜說云宮城西偏有小城垣卽掖庭宮其處止可容

置一宮而圖乃以太倉雜處其中大非所宜故李
圖宮城西偏無太倉不能確指其所在也書官吏
姓名自卑而尊水部郎中柳五臣見唐書宰相世
系表此作作臣五件同音借用東魏敬史君碑施
地作拾畝卽以作拾爲五十餘官吏無攷豎姓見
元和姓纂左傳鄭有豎拊齊有豎刁晉有豎頭須
並閤寺賤者子孫氏焉和糴之名始於後魏通鑑
梁武中大通六年魏謀遷都擁諸州和糴粟悉運
入鄴城注和糴以充軍食蓋始於此王應麟亦云
後魏定和糴之制馬端臨曰糴之說仿於齊桓魏
文之平糴後世因之和糴則以平糴藉口者也合

攷唐書食貨志通鑑唐紀文獻通考冊府元龜玉
海諸書貞觀時緣邊數十州戍重兵營田地租不
足供軍於是初有和糴磚文爲貞觀十四年蓋卽
其時和糴以儲邊餉其後開元中廣關輔之糴京
師糧稟益羨天寶中歲以錢六千萬緡賦諸道和
糴米賤則少府加估而糴貴則賤價而糴大曆八
年京師大稔減漕輓米加價和糴以利關中興元
時江淮豐稔詔加價和糴米三五十萬石貞元初
召諸道兵戍邊月給粟十七萬斛皆糴於關中三
年最爲豐稔詔所在和糴實強取之遣致京西行
營動數百里車摧馬弊破產不能支八年關輔屢

豐江淮水潦宰相陸贄上言關中歲運東方租米至有斗錢運斗米之言今關中穀賤和糴可至百餘萬斛計諸縣船車至太倉穀價四十有餘米價七十則一年和糴之數當轉運之二年一斗轉運之資當和糴之五斗上命度支增估糴粟三十三萬斛然不能盡用其議元和中有司以歲熟請畿內和糴府縣配戶督限鞭撻甚於稅賦寶曆元年詔兩畿及鳳邠涇等道和糴咸通七年勅曰比爲傷農是開和糴如聞積弊繼有多端善價不及鄉閭美利皆歸司局戶部擇人深頰峻法稍循前弊必罪所司觀此可知有唐一代和糴之大略也號

爲和糴其實害民歐陽子之言信有徵矣

糴作粢猶見古意

詳記

又

縱橫各一尺五分十一行行十四字至二十字不等正書

貞觀廿三年十二月廿九日大街西從北向南第一院
從北向南第六行從西向東第十三窖納和粢米四千
四百石第一頭一千五百石和粢官人右領軍騎曹賈
仁素左衛兵曹杜國逸第二頭二千九百石和粢官人
平准丞蔡弘雍州參軍口師利左監門校尉馮武達右
監門校尉素和隋窖匠張阿劉太倉府步勣監事趙賢
丞宋夔口田強和粢副使左監門長史王國榮大任殿
中丞長孫文則司農卿清河公楊弘禮

此唐太倉米窖甄亦湯希山拓本攷詳粟窖甄後
六典粟支九年米及雜種三年唐書楊宏禮傳高
祖卽位詔襲清河郡公除太子通事舍人貞觀中
累遷中書舍人拜兵部侍郎掌行在機務還拜中
書侍郎遷司農卿爲崑邱道副大總管下遷涇州
刺史永徽初遷勝州都督改太府卿宰相世系表
宏禮中書侍郎太府少卿甄書司農卿舉專職也
素和姓陁名元和姓纂素和鮮卑檀石槐之支裔
後魏有尙書素和跋右將軍素和突以本白部故
號素和孝文改爲和氏北齊書恩倖傳和士開其
先西域商胡本姓素和氏大厯時有太子左學士

素和顏望出河南姓纂有杜元逸司門郎中餘俟

攷

又

縱橫各一尺一寸十行行十九至十七字不等正書

東南場東南院從北第三行從西第二窖貯大中三年戶部和桑粟壹萬陸阡玖伯捌拾貳碩從大中十

年口月廿二日起重臺量揚擲入窖至八月廿六日畢

口用五石函元納行概人南公素王義張榮口口人李行儒函頭段楚口口并入窖場口口雷昌培元納監

事焦密

元納專知官陳洙

丞替入窖專知官

竇全真

元納卿薛從

承替入窖卿盧籍

此輒及大中十一年粟窖輒並嘉慶二十四年出於西安皆爲湯希山所得南公複姓戰國時有南公著書三十卷言五行陰陽事蓋衛南公子之後也見元和姓纂

又

縱橫各一尺一寸十一行行十六至十九字不等正書

□□□□院從南第一行從西第三窖□□□□
部和彙粟壹萬壹阡玖伯□□□□柒斗起大中十一年十一月廿二日用□函重毫量揚擲入窖至廿四日畢□數內伍阡叁伯叁碩玖斗東南場□入元納并入窖行概人宋元杲姚公□張元振元納函頭

王文□□文端承替入窖龐炘亮塲官□王□雅監事
張魯萬承替入窖監事□公錯張鉉元納并入窖倉令
張仲□元納專知官陳洙承替入窖竇全真元納卿薛
從承替入窖卿盧籍

至德觀法主孟靜素碑

摹刻裴本高
廣分行無考

唐京師至德觀法主孟法師碑銘

觀夫太陽始且指崦嵫其若馳臣川分流赴渤海而不
息是以至人無己先天地而御六氣列仙神化隘宇宙
而遺萬物與夫齊魯縉紳束名教於俄景漢魏豪桀殉
榮利於窮途何異乎蜉蝣生於崇朝爭長於龜鶴秋豪

出於未兆計大於岷閬者哉若迺岱山龍駕傳神丹之
祕決秦都鳳祠流洞簫之妙響用能延頽年於昧谷振
朽骨於匡廬白玉之簡析西王而可值青雲之衣師東
陵而易襲豈非度世之寶術登遐之妙道焉法師俗姓
孟氏諱靜素江夏安陸人也其先徙里成仁繼跡於孔
墨冬筍表德齊聲於曾閔是以貽則當世錫類後昆軒
冕之盛旣富於天爵賢明之質獨表於仙才固以軼仲
弓之奔葉邁陽元之餘慶者矣法師稟兩儀之靈和體
五常之休德崇蘭散馥掩蕭艾於芳春朗月揚暉蕩雲
霧於清夜盈尺之寶出鄢郢而連城徑寸之珎入大梁
而照乘豈惟楊号異才馳聲益部曹稱孝行播美上虞

而已哉多而慕道超然拔俗志在芝桂譬葦黍於糠粃
心繁煙霞方綺羅於桎梏既而初筭云畢迨吉有典懿
戚託繼世之援慈親割相離之情千金甫陳百兩將戒
法師凌霜之操必守節於玄冬匪石之誠誓捐生於白
刃素概難奪嘉禮遵履乃脫屣通德之門絕景集靈之
館虔修經戒長甘蔬菲漱元氣於停午思輕舉於中夜
若夫金簡玉字之餘論玄牡道樞之妙旨三皇內文九
鼎丹法莫不究其條貫猶登山而小魯踐其戶庭若披
雲而見日允所謂天挺才明人宗模楷者已隨高祖文
皇帝聞風而悅徵赴京師亦既來儀居于至德之觀公
卿虛已士女翹心於是高視神州廣開眾妙懸明鏡於

講肆陳鴻鍾於靈壇著錄之侶升堂者比跡問道之客
及門者成羣雖列星之仰天津眾山之宗地軸未足以
喻也

我高祖以大聖締基功踰覆載

皇上以欽明纂厯道冠犧農崇三清以緯民懷九仙而
濟俗天地交泰中外和平法師維持科戒弘宣經典時
厯夷險懷趙璧而無玷年殊盛衰鼓吳濤而不竭跡均
有待心叶無爲循大小於天倪旣齊椿菌忘壽夭於物
化寧辯彭殤而靈氣有感仙骨夙著金液方授駕白龍
而不反玉棺遽掩望青鳥之來翔以貞觀十二年七月
十二日遺形而化春秋九十有七顏色如生舉體柔弱

斯蓋仙經所謂尸解者也

冤旒情道門之梁壞縉紳悼人師之云亡因以恩俸徹
樂悲踰輟相有勅賜以賻禮資給葬事並加隆焉弟子
陳光等義結在三名高入室對衣履而增絕瞻風雲而
永慕思欲寄銘讚以敘思勒琬琰以紀德俾夫成銀之
室神變久而若存遺屣之地靈蹟垂於不朽其詞曰
西秦簫響東陵聖跡霞舉玉京雲開金液飛廉先路可
芒秦壁形表丹青聲流金石_五風誰纂介_六賢明翟衣
絕志鶴御依情栖心大道投蹟長生三山可陟九轉方
成靈化人間高翔羽服白蛻擁蓋青虬夾轂丹竈留煙
仙壇餘竹貽則終古永播蘭菊

貞觀十六年五月戊午造

中書侍郎江陵縣開國子岑文本作文

諫議大夫褚遂良書 萬文韶刻字

按文道士至德觀主孟法師碑見金石錄今佚所見衰本皆近人摹刻而岑文褚書尙可攷證法師貞觀十二年年九十有七則生於梁武帝大同三年隋文帝爲智僊撫養崇奉神尼故特徵赴京師居於至德之觀唐高祖太宗復加隆禮沿隋習也貽則當世從三清以緯民世字民字皆不避唐文粹載此文迨吉有典興元牡道樞牡作化遺屣之地屣作履

贈殷比干太師諡忠烈詔

高九尺八寸廣四尺五寸二十三行行五十字隸書在河南偃師縣西北十五里

門下昔望諸列國之相漢主尙求其後夷吾霸者之臣
魏君猶禮其墓況乎正直之道邁青松而孤絕忠勇之
操掩白玉而振彩者哉殷故少師比干貞一表德隣幾
成性以明允之量屬無妄之辰玉馬遽馳啓其邦之殄
悴寶衣將燎惜其君之覆亡見義不回懷忠蹈節讜言
纓發輕其百齡之命淫刑既逞碎其七尺之軀雖復周
王封墓莫救焚圖之禍孔聖稱仁寧迫剖心之痛固以
寃深終古悼結彼蒼朕觀風趙魏問罪遼碣經途麥秀
之墟緬懷梓林之地駐蹕□□荒隴願以爲臣撫躬而

想幽泉思聞其諫豈口口口終之義久闕於往冊易名之典無聞於後代宜錫寵命以展宿心可追贈太師諡曰忠烈公仍遣三品持節祭告四品爲副口口口司封崇其墓脩葺祠堂州縣春秋二時祠以少牢給隨近五戶以供祭享口灑掃主者施行

按此碑詔凡六行祭文十行餘刻年月及諸臣銜名李翰文云太宗文皇帝貞觀十九年東征島夷師次商墟下詔追贈比干爲太師諡曰忠烈公遣大臣持節弔贈申命郡縣封墓葺祠置守冢五家以少牢時享著於令甲刻於金石並與此合碑爲元延祐五年重刻碑陰有韓沖記可證自第四行

以下每行末皆缺三字乃摹刻未竟非剝蝕也祭文及題名已見萃編不錄

晉祠銘碑陰題名

前截已載萃編題名在碑陰上截右方七行正書
額題貞觀廿年正月廿六日三行行三字飛白書

司徒太子太師上柱國趙國公臣無忌

太子太保上柱國宋國公臣瑤

特進太子詹事兼左衛率上柱國英國公臣勣

光祿大夫刑部尚書上柱國鄖國公臣張亮

禮部尚書上柱國江夏郡王臣道宗

太常卿駙馬都尉柱國安德郡公臣楊師道

正議大夫守中書令太子左庶子兼攝吏部尚書護軍

臣馬周

按唐太宗晉祠銘碑陰諸臣題名并太宗飛白題額貞觀廿年正月廿六日九字萃編皆失揭但見碑首有貞觀二十一年七月題字據以編年與孫氏訪碑錄皆沿竹垞之誤也元和郡縣志晉祠碑在乾陽門街貞觀二十年太宗幸并州所置御製并書冊府元龜太宗貞觀二十年正月幸晉祠樹碑製文親書於石唐書太宗本紀貞觀十九年十二月幸并州二十年正月上在并州三月己巳車駕至京師以碑額証之並合題名七人皆從行諸臣新書宰相表長孫無忌蕭瑀李勣張亮馬周結

銜皆同史稱十九年十一月吏部尚書楊師道左
遷工部尚書此稱太常卿當是十一月後再貶是
年十二月勅禮部尚書江夏王道宗發兵鎮朔州
中書令馬周攝吏部尚書與碑銜並合二十年三
月己丑刑部尚書張亮斬於西市四月甲子太子
太保蕭瑀解太保皆在車駕還京之後據以證碑
陰碑額尤不得系以二十一年七月矣

趙婆造塗金阿彌陀像記

連額高三寸五分廣寸二分六分行十三字額
題阿彌陀碑四字俱行書在江蘇儀徵阮氏

阿彌陀碑

夫真容凝寂應身淨□慧日振暉慈風化物託儀金□

寫質丹青勝範良規敢不頂口佛弟子趙婆長孫阿薄
合義等敬造阿彌陀像一軀上爲帝主師僧父母法界
眾生共成佛道貞觀廿一年正月八日

原書作十一年今據碑文改正

陸增祥志

文安縣主墓誌

縱橫各二尺七寸五分二十九行二十九字正書在陝西乾州

大唐故文安縣主墓誌銘

并序

主諱 字 隴西成紀人也夫天靈啟聖跡被崑崙之
墟皇維命氏道光華夷之士至於補_玄立極之功駕羽
乘雲之業握瑤圖於景宿懸寶祚於貞期其唯 大唐
者歟 曾祖元皇帝被風化於墳枚始艱難於邠籥

祖武皇帝升阨擔牧之掖泔水襄城之駕卷懷列辟財
成羣有父巢刺王劫珪疏奧壤戚茂維城靄楚澤之雕
雲聚淮南之仙氣遂使茗華孕美結綠開珎景溢星潢
輝聯珠婺晨栖阿閣聲調丹穴之禽夕指瑤池色麗青
田之羽及其芟口蘭掖漸潤椒庭水移銀箭尙敷衽於
師氏燈滅金羊已鏘環於內傅栖志圖史遊心幾律躬
萋葉而興勤聽嗜音而遺談意匠言泉之旨飛雲垂露
之端柳密莊窻乍起流鷺之賦月含花簞曰裁擣衣之
篇採桔纂組之規澄漠紘緼之務靡不思窮妍麗慮歸
閑謚貞觀十五年正月五日封文安縣主脂賦開榮公
官復訓乃以其月十四日降姻於工部尙書駙馬都尉

紀公之世子段儼華舒禮圃秀發友蹊迓兩生暉副筭
增飾尸芳牖下旣奉宣平之莫思媚諸姑還侍河陽之
簪嬪儀載穆閨饋惟馨循澍性於珩璜韻柔情於琴瑟
瞻翫霓而遐驚歌悅懌而長懷朝露溘晡詎留光於瑤
草秋風忽起空滅彩於瓊林弄玉乘煙怨吹蕭之伎巧
常娥飛月痛仙丸之不追以貞觀廿二年二月三日卒
於長安頌政里之第春秋廿六嗚呼哀哉惟主心資澍
慎體茂清明碧霜絳雪不能渝其操秋菊春松有以方
其質香名遠集尙申貳於芳稿咎言斯屏每含辭於蘭
氣信以輔藻中闡抑揚內範澍人不永傷哉如何怨家
道之無庇痛菴是之何託戚里兼酸 宸襟凝歎卽以

其年三月廿二日陪葬于昭陵窀穸所由恩旨隨
給周京歸賻寵切於前哀瀟水會盟事踰於昔禮湘川
之下還見舒姑之泉鮒隅之陰方傳貞女之硤採彤管
之遺詠彫芳塵於不朽其詞曰

帝降_天圃宸居紫微金柯疊秀璇萼分暉桂輪澄彩星
津結霏誕茲才澍克嗣音徽延慈丹禁稟訓彤闈綴珠
爲服雕玉成衣拂景孤暎凌霞獨飛婉婉其性逶迤其
質春緒含雲秋情儷日降嬪君子來宜家室李任初華
梅林未實繫資芳綺心調友瑟鳥變禡祥熊虧夢吉願
菟俄掩奔駒遠逸下遠將及靈驂已巾音儀遂泯禰翟
空陳平原改色清渭迷津埋龍毀劍碎鋒侵塵佳城日

黯墜路泉新帷傷奉倩簾恨安仁一生何有萬古銷春
縣主爲駙馬都尉段綸之子婦綸尙高密公主夫婦
陪葬昭陵志云縣主亦陪葬其地唐書載昭陵陪葬
公主十八人而不及縣主從來金石家亦不載此誌
誌中靄作靄盼作眇妝作庄鶯作鷲徒作從帚作帚
窈窕作靄霓徒作徒卒作卒戒作式黼作黼抑作抑
藐作菴徑作侄駒作駒澶淵避高祖諱作澶水世字
直書不避太宗御名終唐之世世字皆缺畫作廿太
宗時尙無是合也古誌
石華

唐巢王元吉女文安縣主墓誌見於寶刻叢編卽此
誌也縣主以貞觀廿二年卒其年廿六則武德九年

元吉見殺纔數歲耳夫以元吉之狼戾自禍太宗猶
庇育其女以長以嫁既卒且陪葬昭陵不可謂非錫

類之厚也

筠清館金石記

古墓志廿九行行廿九字正書字徑五六分縱橫有
界格子以史攷之文云高祖元皇帝乃唐高祖之父
世祖隋安州總管柱國大將軍昉也曾祖武皇帝卽
唐高祖也高祖初諡大武後至高宗上元初改諡神
堯皇帝墓志作於太宗貞觀時故稱武皇帝惟云父
巢刺王劫據新唐書高祖諸子列傳有元霸元吉元
霸卽太宗皇帝高祖初受禪立世子建成爲皇太子
太宗皇帝世民爲秦王元吉爲齊王至武德九年元

吉與太子謀害秦王事泄秦王皆殺之及五子並伏
誅貞觀初並改葬元吉追爵海陵郡王及謚改封巢
以曹王明嗣故列傳稱巢刺王元吉刺其謚也然則
文安縣主之父巢刺王劼卽元吉明矣攷傳數高祖
諸子多以元字爲排行則其名似本作元吉或亦貞
觀追爵改封與謚時改爲劼而史家失攷耳曹王明
乃太宗之子蓋太宗登極後旣追爵改封併爲立嗣
故其女亦得封縣主而降姻卒後并陪葬昭陵也文
稱降姻於工部尙書駙馬都尉紀公世子段儼者攷
唐書諸公主列傳高祖女高密公主下嫁長孫孝政
又嫁段綸綸隋兵部尙書文振子爲工部尙書杞國

公則段儼卽段綸之子傳作杞國公實紀國公之誤
字也宋敏求長安志載長安縣六鄉管六里義陽鄉
在縣西南二里管布政里而無頌政里畢尙書案裴
耀卿撰冀公希球神道碑有薨於長安布政里賜第
之文又予見咸亨四年韓寶才墓志云殯於京城西
布政之原然長安志言皇城西十三坊有頌政坊又
有布政坊疑此言頌政里卽頌政坊隋書百官志言
仁壽三年京都諸坊改爲里皆省除里司官以主其
事則里本卽坊也坊與里可通稱長安志昭陵圖內
失載文安縣主墓據此可補其遺漏文於諱字下皆
空而不書蓋文安縣主本無諱字也其文無撰書人

姓名而典麗華美字體亦工整有法當出翰苑名公之手此刻金石家皆未著錄恐亦近年出土者予於紉之葉君處見拓本假錄也

古泉山館金石文編

按唐文安縣屬河北道莫州文安郡李氏舊望隴西故高祖生於長安本紀仍繫以隴西成紀人也元皇帝昞隋封唐公安州總管柱國大將軍諡曰仁高祖卽位追諡曰元皇帝高祖諡曰大武故稱武皇帝巢刺王高祖子太宗母弟兩唐書及通鑑皆作元吉云以元吉字合之其文成唐此誌作劫豈巢勅王名劫字元吉以字行耶元吉死子皆伏誅貞觀初追爵海陵郡王及諡後改封巢以曹王

明嗣太宗子曹王明母楊氏本巢王妃帝寵之欲立爲后魏徵諫不可以辰嬴自縊乃止駙馬都尉紀公謂段綸也高祖女高密公主降婚段綸爲工部尙書杞國公與此志合惟杞紀小異耳高密以永徽六年薨文安降姻及卒皆高密在堂也頌政里長安志皇城西第一街街西從北第三坊巢王諸子被誅文安獨蒙封冊且得陪葬昭陵禮同公主蓋亦楊氏所生長於宮中爲太宗鍾愛故子以母寵歟高密公主段綸墓並見昭陵圖而本傳不書陪葬文安陪葬兩書及會要通考游師雄李好文圖說皆未載當以此誌補之石嘉慶初出於西

泉爲乾州士人所得何知州承薰岳吏目廷鑿各

貽拓本書法在歐褚之間可寶也

晉州刺史裴府君碑

貞觀二十三年立上官儀撰褚遂良書在醴泉碑

文不可辨未錄

案關中金石記標題云晉州刺史順義公神道

碑據金石錄謂卽裴菽碑次儀鳳後陸增祥志

幽州都督牛秀碑

碑左方及下截殘缺存者高四尺廣二尺一寸十八行行三十四字前九行可辨篆額十六字惟大唐故左四字可辨在

歐西醴泉縣

大唐故左驍衛大將軍幽州都督上柱國琅邪郡開國

公牛公碑銘

并序

若夫仰觀成象三辰開上將之星俯察成形九地揔中
權之術故迺聞鼓鼙而佇想感下社告徵編星兆貺受
天明命光宅域中制軒弧而駕羣材乘夏載而朝萬國
其有克下乎琅邪公焉

公諱秀字進達其先隴西狄道人也因官而遷于濮龍

首驚雷之澤龜文負卦之濱下之舊龍光照於緇象鴻

伐旌於表綴固以籠冕前載軌映後昆者矣曾祖定後

魏韓下顯銜口之瑞口口齊潤仁敷導柏之流父漢隨

濮州主簿沼州清漳縣令蜀客談星下之禮童戲叶口

口之容開八陣之圖非究覽於魚復體三宮之奧焉取

鏡於龍韜天_下連拒箕亡咸池□三□之華湯谷□一

枝之景縱岷墟之烈火決渤海之衝流三戶_下□□□

□□□□□命□□之_境□□□_{橋柚之}□咸造和門策

名麾下白馬之驕徒_{下缺後九行亦剝蝕難辨}

碑泐下截其上截自十行以後亦磨泐不可辨此亦

昭陵陪葬之一種也其卒葬年月及撰書人姓名均

無可考今編附高宗時牛秀唐書無傳太宗紀貞

觀十二年九月辛亥濶水道行軍總管牛進達及吐

蕃戰於松州敗之廿一年三月戊子左武衛大將軍

牛進達爲青邱道行軍大總管七月乙未牛進達克

石城以上三條皆以進達書名而碑云諱秀字進達

蓋以字行也

筠清館金石記

宰相世系表漢有牛邯爲護羌校尉因居隴西後徙安定再徙鶻觚碑言其先隴西狄道人當亦邯之裔姜行本碑立於貞觀十四年其側題名有交河道行軍總管左武衛將軍某某縣開國子上柱國牛進達領兵十五萬時在戰松州之後考唐之武官左右武衛大將軍各一員正三品將軍各二員從三品進達蓋自左武衛將軍遷大將軍也

徐松

按牛秀字進達唐書作牛進達蓋當時諸臣多以字顯金石錄溫彥博碑跋尾云唐世諸賢名字可疑者多封德彝名倫房元齡名喬高士廉名儉顏

師古名籀偷喬儉籀唐無所諱不知何避而行字
子考姚思廉名簡高季輔名馮徐文遠名曠陸德
明名元朗尉遲敬德名恭秦叔寶名瓊殷開山名
嶠姜行本名確許洛仁名濟張道源名河蘇定方
名烈論惟貞名瑀唐休璟名璿徐彥伯名洪薛仁
貴名禮王方慶名絳侯莫陳虔會名肅郎世業名
穎張平高名崇王文伯名洎姚善意名懿崔故禮
名安上盧懷慎名德慎盧照隣名子昇韓仲良名
良徐有功名宏敏嚴善思名讓元行沖名澹武平
一名甄泉獻城名實郭元振名震嚴挺之名浚又
段志元獨孤延壽碑缺其名要亦皆以字行非必

有所避諱也進達之先隴西狄道人元和姓纂漢
牛邯護羌校尉居隴西蓋其後也唐書無進達專
傳而列於忠義傳中太宗紀貞觀十二年九月濶
水道行軍總管牛進達及吐蕃戰於松州敗之二
十一年三月左武衛大將軍牛進達爲青邱道行
軍大總管以伐高麗七月牛進達克石城又貞觀
十四年姜行本高昌紀功碑碑側刻交河道行軍
總管左武衛將軍上柱國口口縣開國公牛進達
領兵十五萬進達官勛可以互證唐會要文獻通
考所載陪陵諸臣不及進達惟宋敏求長安志昭
陵陪葬功臣大將軍以下六十四其第十一爲武

衛大將軍牛進達碑云左驍衛大將軍而志作武

衛者本唐書通鑑仍其前官碑從後銜也

唐書志義傳上

載德宗錄武德以來宰相功臣勳名特高者以三等條奏第二等有左武衛大將軍牛進達按左右

驍衛武衛大將軍並正三品幽州大都督從二品嘉慶二十一年春陝西

巡撫靖江朱公勳檄雒南縣知縣諸城王君文

赴醴泉查勘唐昭陵陪葬諸王妃主功臣墓道因

獲此碑屬爲考證雖非完璧已足補正史及諸家

志記之缺其文喬皇典則筆法在歐褚之間與昭

仁寺碑相近惜大半殘泐撰書者皆不傳耳

據筠清館所載多境橋柚之四字補注於旁篆

額多大將軍琅及羆公之碑銘九字其一枝之

一字和門之和白馬之號之號字則吳氏所闕

也

陸增祥志

芮定公豆盧寬碑

高八尺廣三尺一寸三十二行行六十九字正書額題唐故特進芮定公之碑九字三行篆書在陝西醴泉西谷村

稱貴掩

遙代揜

第四行

少保柱國

第五行

年河

郡梁泉縣令奉身

第十行

方公

闔境密候

昌期遵卓令之

第十一行

司馬加授柱國

二年正月授兼攝

東

行事

第十二行

資叅乘之勞

知人

九年授殿中監典

第十三行

匪懈爲心繼踵辛 忘私 年除禮部尙書北第十

行四

將軍戴冠

優濟皇流第五行

水式清聲華 遠榮旣揜機 斯清第六行

田高忠有踰於國 之遊方叶第七行

祿賜同 官榮 特羊旌優行馬膺茲第八行

里第春秋六十有五 嗚呼哀哉惟 量第九行

改 肅金鉦第十行

脩兼 絃韋適度故得累彰 特簡帝心第十一行

惟舊 之令圖悼往飾終第十二行

深永書徽烈第八字 使持節都督第十三行

官給

字缺八

行光祿使持節都

第四行

徙公

之女也

胃鍾

性稟幽閑七德兼優

行十五

齊水玉

零落弗遂朝

第六行

柱國家吾縣開國公承基等

承第七行

芳

字缺四

虛薄側奉清塵

課第八行

軒匠錫宇

野開疆樹功分帝率

第九行

簡

第十行

同乘曳履明光

第十一行

兩輓歸垂雙旒赴

加等斯

榮哀兼

第十二行

按趙嶠石墨鏤華云碑殘泐僅數十字無從考其

始末予命工精搨錄其可辨者得二百五十六字

較萬厯中搨本轉多數倍唐書宰相世系表豆盧

氏本姓慕容氏燕主廆弟西平王運生尙書令臨

澤敬侯制制生右衛將軍北地愍王精降後魏北

人謂歸義爲豆盧因賜以爲氏居昌黎棘成二子

醜勝醜生萇萇生永恩永恩生通元和姓纂作精

孫長生永思永恩生通通生寬禮部尙書芮定公三子承業

懷讓方則承業領軍將軍生欽望相武后中宗豆

盧欽望傳欽望雍州萬年人祖寬隋文帝外孫爲

梁泉令高祖定關中與郡守蕭瑀率豪姓進欵擢

累殿中監子懷讓尙萬春公主後封長沙高祖女長

涉公主一
下 據馮少師

詔寬用魏太和詔去豆姓著盧姓貞

觀中遷禮部尚書左衛大將軍芮國公卒贈特進并州都督陪葬昭陵諡曰定復其舊姓以唐書證碑殘泐處則授梁泉縣令當隋時昌期云云卽指進欵二年九月皆武德時除禮部尚書則貞觀中也柱國象吾縣開國公承基卽寬嗣子宰相世系表作承業舊唐書欽望父仁業高宗時爲左衛將軍趙岫所引本舊唐書疑寬固有四子承業當作承基仁業也立碑年月及撰書人皆泐據金石錄作永徽元年六月李義甫撰長安志昭陵陪葬功臣大將軍以下六十四其第二十一光祿大夫芮

國公豆盧寬

吳氏筠清館載此文錄於後并附諸家跋語

陸增祥志

前李義府撰

上缺四若□□□□保□華卿相□膏□之□真英傑

之□道契興王九缺三十奴□□□帝之後今爲河南洛

陽人也黃軒之際得姓者爲賢紫□之郊開□者稱貴

竹□□□遙代五缺三十廣□□命□□魏□周圖史紛

綸可略言矣曾祖萇魏使持節□□□□□少保

柱國缺二十祖永恩魏使持節車騎大將軍儀同三司

侍中鄴州刺史周鄴利沙文州刺史事利州刺史三

十三振芳□□□□父通周使持節車騎大將軍驃騎

大將軍開府儀同三司龍沃野縣公肅缺四字洪州掾

管□□姿器□前脩藝優往括榮肅□於魯館□績譽

於周行公缺四十字覽□□之元九慕六韜之術袁楊之

資既重韓白之材兼妙朝缺二十居□□□□心□無

台輔之□□□□年授□□公世子仁壽五年以獻

□挽郎授吏部驍騎郎大業九年授河□郡□泉□□

□身清風處物缺二屈□□□□時炎□崩離瀛

□版蕩妖氛亘地黑□之路未夷大浸稽天□波之勢

方溢公撫全閩境密候昌期遵卓合之缺十字率□□

新□投義蒙授銀青光祿大夫三月授元帥府虞侯等

授越國公府司馬武德元年遷秦王府司馬加授柱國

二年正月授兼攝陝東道行臺字缺十三年□□□檢校

行臺左□四□□南陳縣開國公轉天策上將府從事

中郎既而唐郊續慶代谷承天□資參乘之勞□獨知

人之舉九年授殿中監察御史□□□□□□□朝

□□□於皇揆貞觀二年轉衛尉□□□□□垣儀□

漢服掌宮七於南北揔都丞於左右追芳趙□匪懈爲

心繼軌辛□忘私□節三年除□郡□□北□□南

□荆□八□表其聲望萬□由其損益□脫龍泉之劔

榮禮載於韓稜弗避武賁之弓忠勁超於朱穆六年授

左衛大將軍職□□□□□濟□皇流□□可缺六字

勅□呈□□□□太極殿前□守務極殷摠情兼□
諭警□途於舜貳請義□於堯儲□外式清□□□遠
□□既摠□盈斯□□□□□□□□□□□□□□
□□□□□詔不許□二□□□□□□□□□鎮軍大將軍芮
國公位重黃初德符清遠揮金逸賞無慙於二賢讓田
高志有踰於兩國□子□□文叶_{缺二字}左陽遷南甯之
□□西吳之□京里欽其素譽侯服仰其□塵廿三年
表請致事授光祿大夫賜同□□榮□特□□優□馬
膺茲_{缺二十}輝三□無徵百年俄盡永徽元年六月四
日薨於京城之_{九字}德里第春秋六十有九嗚呼□□惟
□□量□□□情□□□□□□忠義有聞爰□弱齡

霸業縹緲歎遇契濶旌磨霜雪□零松筠無改叅玉□
肅金鉦□沉沙之奇□□□□□□□□□□□□□□□□
□□□徐□□□劉□□□□□□□□□□□□□□□□
千□賞噶庸常居第一登□閨陪軒禁歷華寺□名藩
莫不循猛兼□絃韋適度故得累彰□□特簡帝心缺
扣邁□□□懸□□嗟□□□□□□□□悼□佩銜悲
固以事切柳庄情深隨會者矣詔曰念功惟舊前□之
令圖悼往飾終有國之通典故光祿大夫缺九始累著
勳庸□□□□展□節□□□□□□勲効於軒墀□
摠華藩洽美化於謠頌奄然薨謝震悼良深□書徽烈

□□泉壤□□□使持節都督并汾□□四州諸軍

事并州刺史餘勳封並如故□日□□絹布□百□

□乘三百石陪葬昭陵賜東園祕器葬事所須並令官

給仍令金紫光祿大夫行光祿卿□□□水□□□

□□□□使近□墓所往還夫人楊氏周金紫光祿

大夫左衛大將軍儻城信公紹之孫隨京兆尹太子太

傅司空司徒公諱七雄之女也胃□鍾鼎性稟幽閑□

德兼優四□□□□淑早世清華□□光隆六缺十

故特進并州都督芮國公妻楊氏操擬松筠志齊冰玉

□□零落弗遂朝□將啟□□殯欲缺十旌幽缺十禮

□長子□□□上柱國芮國公仁業次子右衛將軍

上柱國家吾縣開國公承基等並夙承家範早

四字陽

此十鏤鼎刻鍾彰氏披相質載闢徽風爰樹豐

碑來葉猥以虛薄側奉清塵取課乃為銘曰

軒錫字鉅野開疆樹功分帝率峻起慶

緒長家涪陵茂節望

誕光南陳龍慶載揚風烈顯光克

淹遠簡元度義

劍交

慕鱗翼鱗翼可附公侯斯復藩寓聲馳

譽穆參贊機謀升降軒陛既還同履

祖寬高祖初擢殿中監子懷讓尙萬春公主貞觀中
遷禮部尙書左衛大將軍芮國公卒贈特進并州都
督諡曰定此碑額題曰唐故特進芮國公案碑作芮定公與
史所稱正合文甚泐趙氏金石目錄以爲李義府所

撰當無誤也

關中金白記

此碑寬祖泐其名唐書宰相世系表名永恩未載其
官周書附兄隋傳儒傳云其先本姓慕容氏前燕之
支庶也祖勝歸魏賜姓豆盧氏或云避難改焉父長
當作長柔元鎮將有威重弟永恩魏大統十六年拜
史誤使持節車騎大將軍儀同三司孝閔帝踐阼授鄯州
刺史入周遷都督利沙文三州諸軍事利州刺史此

碑州刺史上缺一字當是鄣字周下缺一字當是授
字寬父通隋書附兄勣傳在周時授大都督儀同三
司封沃野縣公入隋尙高祖妹昌樂公主遷洪州總
管諡曰安正與碑合宰相世系表載寬子有承業懷
讓方則三人而無仁業承基之名碑載長子仁業次
子承基表旣以二名合爲一人仁業爲武后中宗時
相欽望之父見舊唐書欽望傳表乃以承業爲欽望
之父皆誤也惟表載後周儻城信公楊紹及紹子隋
雍州牧士雄之名與碑載寬妻之父祖合

符清館
金石記